

U TIYISISA NJHANI XIYIMO XA NANDZELERISO WA XIBALO

Ntiyisiso hi ku tirhisa PHINI

Hi sisiteme ya Xiyimo xa Nandzeleriso wa Xibalo (TCS), muhakelaxibalo u kota ku pfumelela vandla rin'wana na rin'wana ra vunharhu ku tiyisisa xiyimo xa rona xa nandzeleriso hi ku tirhisa PHINI ya mfikelelo wa xielekitroniki. PHINI yi fanele ku tirhisiwa ku tiyisisa xiyimo xa nandzeleriso wa xibalo xa muhakelaxibalo.

- eka inthanete hi ku tirhisa [SARS eFiling](#); kumbe
- [erhavi ni ra SARS](#).

Xitsundzuxo xa Nkoka: Loko PHINI yi tirhisiwile ntiyisiso, mbuyelo wu kombisa xiyimo xa sweswi xa nandzeleriso wa xibalo enkarhini na siku leri PHINI yi nga tirhisiwa hi rona.

U tiyisisa njhani TCS hi ku tirhisa eFiling ya SARS

Goza 1: Nghena eka eFiling

Ku tirhisa vukorhokeri byintshwa bya Ntiyisiso wa Xiyimo xa Nandzeleriso wa Xibalo eka inthanete, u fanele ku va u pfumeleriwele ku tirhisa eFiling. Munhu loyi a pfumeleriweke (xikombiso muyimeri wa muhakelaxibalo kumbe mufambisi wa eFiling) wa nhlango lowu a nga simeka mitlawu ya vatirhisi na timfanelo ta vatirhisi lava fanele ku nghena no tlhontlha vukorhokeri leswaku byi tirha.

Goza 2: Tlhontlha vukorhokeri bya Ntiyisiso wa Nandzeleriso wa Xibalo leswaku byi tirha

Ku tlhontlhiwa ka vukorhokeri bya Ntiyisiso wa Nandzeleriso wa Xibalo i phurosese ya nkarhi wun'we.

- Loko se u ngenile, simeka mitlawu ya wena ya vatirhisi na timfanelo ta vatirhisi leti faneleke ku kota ku endla mitiyisiso ya TCS
- Tlilika eka "Tax Status"
- Hlawula "Tax Compliance Status Verification"
- Hetsisa phurosese yo tlhontlha leswaku swi tirha.

Goza 3: Tiyisisa TCS ya Muhakelaxibalo

Hlawula menyu wa "New Verification Request". Ngenisa no rhumela nomboro ya rheberense ya muhakelaxibalo na PHINI. Tiyisisa leswaku vukoxoko bya muhakelaxibalo lebyi kombisiweke byi fana na bya muhakelaxibalo loyi u lava ku nw'i tiyisisaka.

Xiyimo xa sweswi xa nandzeleriso wa xibalo wa muhakelaxibalo xi ta humelela naswona xi ta va xi pendiwile hi muhlovo na nhlamuselo yo koxometa leswi xiyimo xi vulaka swona.

Ku penduwa hi muhlovo swi komba leswaku timhaka ta xibalo ta muhakelaxibalo ta sweswinyana ti lulamile kumbe e-e:

- Tshwuka – Timhaka ta wena ta xibalo a ti fambi hi ndlela naswona a wu landzelerisi xibalo
- Rihlaza – Timhaka ta wena ta xibalo ti famba hi ndlela naswona wa landzelerisa xibalo.

Sweswi u ta swi kota ku kandziyisa ntiyisiso hi swikongomelo swo rhexhoda. Ntiyisiso wa wena wu ta tlhela wu hlalisiwa hi ndlela ya xitroniki eka "History" eka rheberense ya nkarhi lowu ta ka.

Ku kuma vukoxoko byo hlaya eka magoza lawa, vona [Guide to the Tax Compliance Status on eFiling](#).

Xana u lava ku pfuniwa?

Bela SARS Contact Centre riqingho eka 0800 00 SARS (7277), kumbe u endzela [rhavi ra SARS](#) ra le kusuhi na wena.